



---

Broj: 05/8-50-14-459-5/25

Sarajevo, 14. 5. 2025.

Na osnovu člana 18. stav (1) b), a u vezi s čl. 13. i 16. Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, br. 103/09 i 58/13), člana 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03) i člana 18. Poslovnika Komisije za izbor i praćenje rada Agencije za prevenciju korupcije i koordinaciju borbe protiv korupcije, Komisija objavljuje

## JAVNI KONKURS

### ZA IMENOVANJE DIREKTORA AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE

#### I.

U Agenciji za prevenciju korupcije i koordinaciju borbe protiv korupcije, u skladu s članom 12. st. (1) i (2) Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, br. 103/09 i 58/13), upražnjeno je mjesto direktora:

#### **1/01 Direktor Agencije za prevenciju korupcije i koordinaciju borbe protiv korupcije**

Broj izvršilaca: jedan (1) izvršilac

#### II.

Kandidati za direktora Agencije za prevenciju korupcije i koordinaciju borbe protiv korupcije podliježu Zakonu o sprečavanju sukoba interesa u institucijama na nivou Bosne i Hercegovine („Službeni glasnik BiH“, broj 18/24).

Također, u skladu s članom 3. Zakona o Agenciji za prevenciju korupcije i koordinaciju borbe protiv korupcije, smatrat će se da su u sukobu interesa izabrani zvaničnici, nosioci izvršnih funkcija, savjetnici ili drugi zvaničnici s javnim ovlaštenjima, koji imaju privatni interes, koji utiču ili mogu uticati na zakonitost, transparentnost, objektivnost i nepristrasnost u obavljanju javnih funkcija, odnosno u kojima privatni interes šteti ili može štetiti javnom interesu.

### **III.**

Kandidat za direktora Agencije za prevenciju korupcije i koordinaciju borbe protiv korupcije mora, u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine, Zakonom o Agenciji za prevenciju korupcije i koordinaciju borbe protiv korupcije te, u skladu s odredbama Poslovnika Komisije, ispunjavati sljedeće opće i posebne uslove:

#### **Opći uslovi:**

- da je stariji od 18 godina;
- da je državljanin Bosne i Hercegovine;
- da protiv njega nije pokrenut krivični postupak za krivično djelo za koje je predviđena kazna zatvora tri i više godina;
- da mu nije izrečena zatvorska kazna za krivično djelo učinjeno s umišljajem, u skladu s krivičnim zakonima u Bosni i Hercegovini;
- da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana objavljivanja upražnjene pozicije;
- da nije obuhvaćen odredbom člana IX. stav 1. Ustava BiH.

#### **Posebni uslovi:**

- visoka stručna sprema (VII. stepen obrazovanja, odnosno najmanje 240 ECTS po Bolonjskom procesu školovanja);
- najmanje pet godina radnog iskustva na rukovodećim poslovima u odgovarajućoj oblasti i visok profesionalni i moralni ugled.

**(Napomena: Pod radnim iskustvom podrazumijeva se isključivo radno iskustvo nakon stečene visoke školske spreme).**

### **IV.**

Direktor Agencije imenuje se na mandat od pet godina, s mogućnošću još jednog ponovnog izbora.

### **V.**

#### **Dokumenti potrebni za učešće na javnom konkursu:**

1. vlastoručno potpisana biografija (CV), s adresom i telefonskim brojem za kontakt;
2. ovjerena kopija fakultetske diplome (nostrificirane diplome ako fakultet nije završen u Bosni i Hercegovini ili je diploma stečena nakon 6. 4. 1992. u nekoj od država nastalih na području bivše SFRJ, a kandidati koji su visoko obrazovanje stekli po Bolonjskom procesu uz ovjerene kopije univerzitetskih diploma trebaju dostaviti i ovjerene kopije dodatka univerzitetskih diploma);
3. uvjerenje o državljanstvu Bosne i Hercegovine, ne starije od šest mjeseci;

4. dokaz o traženom radnom iskustvu na rukovodećim poslovima (potvrda, uvjerenje) u odgovarajućoj oblasti, izdat od nadležne institucije, odnosno poslodavca;
5. vlastoručno potpisanu izjavu i ovjerenu kod nadležnog organa da protiv njega nije pokrenut krivični postupak za krivično djelo za koje je predviđena kazna zatvora tri i više godina;
6. vlastoručno potpisanu izjavu i ovjerenu kod nadležnog organa da mu nije izrečena zatvorska kazna za krivično djelo učinjeno s umišljajem, u skladu s krivičnim zakonima u Bosni i Hercegovini;
7. dokaz (ovjerenu izjavu) da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere u periodu od tri godine prije dana objavljivanja upražnjene pozicije;
8. ovjerenu izjavu da nije obuhvaćen odredbom člana IX. stav 1. Ustava BiH;
9. ovjerenu izjavu o spremnosti odstupanja sa svih funkcija, u skladu s članom 14. Zakona o Agenciji za prevenciju korupcije i koordinaciju borbe protiv korupcije;
10. vlastoručno potpisanu izjavu i ovjerenu kod nadležnog organa da je saglasan da se njegovi lični podaci mogu koristiti u ovoj konkursnoj proceduri.

**Napomena: Dokumenti se dostavljaju u originalu ili kao ovjerene kopije. Predati dokumenti ne podliježu vraćanju.**

## **VI.**

U skladu s članom 13. stav (1) Zakona o Agenciji za prevenciju korupcije i koordinaciju borbe protiv korupcije i članom 23. Poslovnika Komisije za izbor i praćenje rada Agencije za prevenciju korupcije i koordinaciju borbe protiv korupcije, kandidati koji budu ispunjavali uslove Javnog konkursa prolaze provjere koje se provode prilikom imenovanja članova Vijeća ministara BiH.

## **VII.**

Na intervju će biti pozvani samo kandidati koji su, u skladu s članom 13. stav (1) Zakona o Agenciji za prevenciju korupcije i koordinaciju borbe protiv korupcije, prošli provjere koje se provode prilikom imenovanja članova Vijeća ministara BiH.

Cilj intervjuja je utvrđivanje stručnosti i osposobljenosti kandidata za obavljanje traženih zadataka, te krajnje i ukupne ocjene kandidata.

Kandidat je obavezan otkriti bilo koju činjenicu koja bi mogla dovesti do sukoba interesa u slučaju njegovog imenovanja.

## **VIII.**

Javni konkurs objavljuje se u „Službenom glasniku BiH“, „Službenom glasniku Brčko Distrikta BiH“ i na internetskoj stranici Parlamentarne skupštine BiH, te u dnevnim listovima „Glas Srpske“, „Večernji list“ i „Oslobođenje“.

Prijavu na Javni konkurs s traženom dokumentacijom treba dostaviti najkasnije 15 dana od dana objavljivanja u „Službenom glasniku BiH“, od kada će se računati i rokovi.

Prijava s dokumentacijom dostavlja se poštom, preporučeno, na adresu:

**PARLAMENTARNA SKUPŠTINA BOSNE I HERCEGOVINE**

**Komisija za izbor i praćenje rada Agencije za prevenciju korupcije i koordinaciju borbe protiv korupcije**

**"JAVNI KONKURS**

**ZA IMENOVANJE DIREKTORA AGENCIJE ZA PREVENCIJU KORUPCIJE I  
KOORDINACIJU BORBE PROTIV KORUPCIJE**

**- NE OTVARATI - "**

**71 000 Sarajevo, Trg BiH br. 1.**

**Napomena: Neblagovremene prijave neće biti razmatrane, a nepotpune i neuredne prijave bit će odbačene.**